

孟宪彝日记（下）

孟宪彝 著 彭国忠 整理



中国近现代稀见史料丛刊【第三辑】

张剑 徐雁平 彭国忠 主编

孟宪彝日记（下）

孟宪彝 著

彭国忠 整理

凤凰出版社

中华民国七年

[九月初九]清封通奉大夫孟诚叔公行述 戊午旧历八月初五日草

孟氏世居京兆永清县城内。先严诚叔公，原名昭文，避先曾祖讳，改昭虔，为先祖壮猷公长子。少有至性，以孝友闻。八岁，遭王太夫人之丧，哀痛如成人。九岁入学，读书即知书中大义。习字有魄力，喜临柳书《玄秘塔》。年十五岁，文能成篇。以家计艰难，辍学去，学贾。市原与县署近，每见同学中人之游庠序、掇科第者，辄心羨之，尤伤己之家寒，不得卒学以展其志也。年二十六岁，先祖壮猷公逝世，尽哀尽礼。事先继祖母氏李太夫人，并为昭永、昭虔两弟安置商业。先严先娶先母，氏夏，不数年丧偶，至二十八岁时，续娶先慈焦太夫人（母氏年二十岁）。三十岁，宪彝生。三十五岁，胞妹宪钟生。三十八岁，二弟宪清生。彝九岁时入学，先严督责之甚严，以为己之学不成名，望之于子也。学字，教之以柳帖，口讲指画，一笔一画皆手书以示之。宪彝十四岁读十三经讫，乃为文，受业于李明吾、朱浣思、朱子宾、宋敬甫诸先生，每于下学归来，先严日日必命题，或令为试帖诗，或为时文数段。尝告以韩子所谓“业精于勤”者在此。彝十八岁入邑庠，先严督教有加，间日命为制艺一篇；作字不善，尝切责之，并罚跪，令改作。彼时考益昌春院，监院苑丹桥孝廉，大姑丈之弟也，尝谓彝曰：诸父，吾之同学，学柳书，吾素佩服之。苑在彝邑最有书名，其推重先严之书法如是。宪彝二十三岁，乙酉乡试报罢后，先严令随常醴若孝廉入都求学。宪彝二十六岁举优贡生，明年朝考，以知县用，屡赴乡试不售。先严令

出关，以知县投效于盛京将军依诚勇公，充文案委员，翌年来京赴行，就便乡试，中丁酉科举人。先严乃喜，谓之曰：吾半生之所希望于此子者，今乃稍偿吾志也。庚子岁，宪彝权奉天铁岭知县事。义和拳起事，仅乃平定。闻吾邑永清县受祸于拳匪也尤钜。外兵侮辱县官，并拘邑之绅民于一室，先严与二弟宪清，俱在焉，大受惊恐。辛丑夏四月，宪彝请假，奉先慈旋里，省视先严，因受惊悸，心气大亏，然犹切教以服官亲民，要言娓娓不倦。乃至秋九月致疾，十月病加重，至初十日戌时逝世。宪彝先为之请从二品封品，丧葬如礼。

先严平生律己甚严，自幼时即守孔颜克己复礼之训，真所谓非礼勿视，非礼勿听，非礼勿言，非礼勿动，至老不渝者。尝谓人当安贫，境遇虽穷，而志气不能穷也。中年后，与先慈奉《观音经》甚虔，性尤好善医书善书，仅力施舍。庚寅辛卯间，永定河决，京南一带灾民遍野，草子皆无。先严命速到京请振于顺天府盐尹潘文勤师，府尹陈六舟公益求、潘善绅民表益为振济银米冬衣，全活无算，人皆以孟善人呼之。疾革时，枕上呼宪彝兄弟至前，教之曰：朱子所注圣经，有“品节详明，德性升定，事理通达，心气和平”十六字，汝兄弟宜终身守之勿忘。卒时，尝谓宪彝曰：汝之性情固厚，惟视人皆为好朋友，将来必致吃亏。第能吃亏，乃是好处。君子和不而流，和而流是汝之大坏处，宜切改之。

先严临终时，先慈年六十岁。宪彝有子二人：长庆善，次庆徵。宪清有子一人：庆常。胞妹宪钟，已适云梦程氏用棻云。

秀山仁兄督军台鉴：接奉

唁函，并蒙

挽幛，祇领之下，感切没存。[彝]等以不孝之故，祸及先慈，诚属罪勿可逭，深荷

大教，敢不凛遵？○○在里摒挡丧事，于一个月后，参议院函促到院，选举大典，不得不出席以将事。第二任大总统业已选出，副座一席尚在酝酿之中，约计双十节前当可选出。知系

廑注，并以奉

闻。专此布申解悃，敬叩

勋绥，统希

察照

棘人孟

稽顙

祖广才，字壮猷，享年四十八岁。嘉庆辛未四月十七生，咸丰戊午五月十四终。

祖母王太孺人，享年三十二岁。嘉庆十四年己巳年生，道光二十年庚子年终。

继祖母李太孺人，享年五十岁。嘉庆二十四年己卯年生，同治七年戊辰八月二十三日终。

母氏焦，现年七十七岁。七月二十九日卯时生人。年二十岁归来。先严时二十八岁。二十二岁生宪彝，二十七岁生妹妹，三十岁生宪清。

大总统钧鉴：敬肃者，日前到涿县查振水灾，由旅次寄呈一禀，计早鉴及。查此次京兆所属水灾，计有十四县之多，其中以安次、涿县、武清、宝坻、香河为最重。如○○所查之涿县，水已退落，只图善后而已。安次县境多半被水，振济尚未竣事。固安、永清被水之连带尚属偏灾，然永定河一日不合龙，则此固安、永清、安次之水一日不能退出，即此数县田地不能播种秋麦。下游至武清县境，其害尤有甚者。○○为桑梓计，用敢为灾民代表上恳大总统俯赐令飭京兆尹限日为永定河合龙，用拯昏垫之厄。盖以限期合龙，灾民犹有种秋麦之希望。此事较放振为尤亟也。再，窃见京兆被水灾民房屋多已塌倒，衣物多已冲毁，此时筑木支席勉为栖止，尚若不知有何痛苦也。转瞬秋冬，无室无家，无衣无食，死于流亡，即死于冻馁。来春瘟疫必复大作。前清光绪十六年，水灾之后继以大疫，此前事之可惧者，亟应预为筹策，以补

救。后来说者谓冬振宜多设粥厂，此向例也，不知设粥厂只能救数里内之饥民，十里以外即不能就食。且朔风凛冽之时，扶老携幼前往领此一盂冷粥，仆仆道路之间，情尤可惨。况定能于各数十里之地，分设粥厂？此设粥厂之不便者。若改放铜子则亦不甚妥，恐灾民顺手用去也无已，则惟有放米之一策较为妥善。此事须先严令各村正、乡保清查实在，极苦灾民方得列入振册，计若干户、若干口，振米一次，以其得米可以和菜与糠煮食也，以来年二月底为止期。如此，则灾民不至转乎沟壑，群庆更生矣。

○○管窥之见，冒昧上陈，伏维

鉴核，飭令京兆尹速予施行，则无数生灵当永感

恩施于无极矣。专肃祇叩

崇绥 谨奉

丹忱仁兄督军伟鉴：前者在京，极承

关爱，感何可言！嗣后政局变更，风潮剧烈，幸赖声威所播，与合肥以底定成功。国家酬庸，令兼

任安徽督军，仰念

勋猷，尤深钦佩。弟津门退隐，乏善可陈。日前到京，适值永定河决口，经顺直同人筹办振济，委托弟前赴灾区，施放急振。永定北三工决口，洪流经过大兴、宛平、固安、永清、安次地面，一片汪洋，灾黎满目，当同查振，[须](页)分投拯鸿救灾，俾得暂苏生命。本年水灾转上年为重，且区域较广，需款更转多。值此时艰款促之际，竭蹶堪虞，惟尽其心力之所及者，稍补救此桑梓之急难也已。专此奉布，祇贺

大喜，顺颂

勋绥，惟希

爱照

愚弟 鞠躬

仲珊三哥督军伟鉴：前者奉布一函，祇贺

大喜，计已早承

察及。弟于上月到京，遇值如上急难已耳。顷到顺流，在安次县查振，闻报欣悉执事月之二号到津履新，兼省长之位。弟以未得趋贺，歉仄实深，用特布此区区，尚希省长仁慈，为我呼吁。

秀山仁兄督军伟鉴：前者在京，深承雅教，并荷厚爱，为之呈请极峰，俾得销去处分，云天高义，感何可言！嗣以政局纷扰，旌节南旋，而北京之事日亟，旋乃演出张勋复辟之举，幸而合肥讨逆，大兵云集京师，不出十日，大局粗定，恢复共和。倘从此南北一致，党争消弭，国家事尚可为也。彝息影津门，愧无补救之策，惟冀时局早日平静，不致再有意外纷争，斯天下人民之福。京津一带，连日得有透雨，人心甚安，秋收定有可望，此万为告慰远系者。再，树村督军因卧病在京月余乃得就痊，六月三十日，即旧历之十二日方出门面谒元首稟辞，为出都计也。下晚归来，旧病复作，昏迷不省人事，如初次之病者。然翌日即有复辟之事。处此漩涡之内，无法可施。逾数日，始力疾来津，实谎言到津，可以力致东海入都，张逆始信之出都，然亦甚危殆矣。到津住两日，东旋到吉，吉局甚平定。《大公报》所丑诋之者，乃有人施其运动之计，希图吉林一席耳。专此奉布，并申解悃，顺颂

勋祺

溽暑方盛，伏望 为国珍重 无任
企禱

仲珊三哥督军伟鉴：前者在京，极承关切。特为呈请元首，以期赴用。是

执事之厚爱，情同手足，

义薄云天。感激之怀，前已当面申谢，而寸衷之铭泐，则永永不能忘也。日前张勋复辟之举，反叛共和，我督军首倡讨逆，充西

路讨逆军司令，不数日攻克北京逆巢，肤功克奏，市民安堵无惊。伟绩殊勋，海内景仰。同时奉令兼直隶省长，尤为我畿辅人民所倾向者。武功以奠国家，更将为桑梓乡邦造无穷之幸福。翹瞻榮戟，曷胜钦迟！

旌麾何日来津，弟寓津门，尤不禁切欢迎之愿也。专此奉贺大喜，顺颂

勋祺，统希

爱照。不宣。 如弟孟 鞠躬

无告之灾民，设法为拯救。一俟振事稍暇，即当趋前奉贺，并报告水灾也。此颂
鸿禧，统惟爱照 如弟

副总统钧鉴：敬肃者，月之初十日在京晋谒

崇墀，渥承

过霁，深荷

隆情周至，

慨予成全。复于段总理前切实说项，所以

垂爱，而代为谋者如是之优厚，寸衷感激，莫可言宣。十一日随节来津，是晚到站恭送

旌麾，又获

教言之锡，当于十六日到京趋谒段总理，幸得一晤。惟其政务忙迫，且系初见，所有○○作如何出路之计，未便冒昧请求，只得回津，仍未补过之思，挨俟钧座有何驱策之处，再当趋前，用效微劳。引领

南天，曷胜翹企。而我副总统殷殷嘘植之意，彼当相喻于无言也。在京候至数日，而前朱子桥省长代为呈请之事，竟亦未见发表。

中华民国八年

民国八年二月一 夏正己未初一日 晴

焚香送神行礼。特以先母逝世。追忆上年堂上拜年之乐，亲友来贺年者甚多。庆徵儿为庆善儿寄信，为之在背面书写近来过年事。

二 初二日 晴

述兹来看。到五叔处拜年。到坟上祭先母，悲泣不已。归来，接待亲友之贺年者。

三 初三日 晴

访佑民，一谈。下晚，型叔昆仲约吃饭。述兹、赤文在座。

四 初四日 晴

写屏对。下晚，润之约吃饭。

五 初五日 晴

写屏对。下晚，约立斋、竹青、三弟、若龄便饭。

六 初六日 晴

写屏对多件。下晚，李县长约吃饭。座内有述兹、幼园、竹青、赤文、树丞、班伯诸人。彝提议永清县志四十馀年未修，又经此番变革，应即续修，以为信今传后之具，并请县长提倡，召集各区绅董分任其

事。先请述兹先生总理各事，以专责成云云。同人均赞成。又在座提议以发行彩票筹集女学，并右奕营高等小学底款须再妥议，彝方担任。接诵卿自津来信。

七 初七日 晴

写致播之县长，言以师范扣假之项，请提作女学之款，用补缺欠。并言城内街道堆雪堆粪，有碍交通与卫生之处甚多，请飭警逐户严谕除去，地面幸甚等语。嘱三弟面交，以便详陈一切。早饭后，起身，午后三时到郎坊，六时半搭车北行。年节后，车减少，初十方照常开行。八时四十分到京，九时到寓。

八 初八日 晴

写致傅写忱道尹信，请关照桐伯妹丈也。又致赞臣信，附承领开埠局租地执照两纸。又复诵卿信。寄桐伯信。写致丁佩瑜信，荐用刘学洙也。午饭后，到升平园洗澡。访丁佩瑜，不值。到松华斋购信纸。访泽声，稍谈。访协民。晤凤韶、临斋、慕堂。到翼青宅，曲伟卿消寒会设筵。看电影。

九 初九日 晴

丁子彬约在六味斋午饭。到康侯宅，为其太夫人祝寿。回寓。为筮谦贺生子弥月之喜。

十 初十日 晴

在兴盛馆，约同翰翔、少如、润田、文田、仲衡午饭。饭后，到院。因不足法定人数，未得开会。到性甫宅，为其太夫人祝寿。访子固，不晤。赴恨吾晚局之约。在座晤丁佩瑜。又赴文田宴宾楼之约。庆徵儿由家来京。

十一 十一日 晴

早起。礼服，到众议院已十一时矣。人数尚少。十一时半，两院议员到齐。大总统、国防员入座。王议长演说开会经过六个月之事。大总统致颂词。钱总理致颂词。闭会，礼成，大众拍照。午后，到凤韶处，一谈。苏敬斋约吃撷英番菜。又到浣花春，请子固、敬宜、星三、礼堂吃饭。本日闭会后，又开谈话会，议和平联合会事。又议岁费事。

十二 十二日 晴

诵卿、宇民来谈，留吃午饭。庆徵儿赴津，赴沪入学。下午，宇民约吃饭。绶卿、叔陶来访。

十三 十三日 晴

谒次帅，谈时局。又到志襄处，畅谈。午后，到厂甸一游。下晚，徐松山约在东兴楼吃饭。座内有芝岑、伯熊，论吉江事。

十四 十四日 晴

永芳、公孚来谈。下午，到城南游艺场闲游，即天坛内，规模草创，无甚可观。访协民，一谈。到浣花春晚饭。大栅栏前门大街，游人如织，较前两年为热闹也。

十五 十五日 晴

写致树村督军信，为荐永芳办长春殖边银行事。同子固、宇民游厂肆。下晚，消寒会，吕同甫在中央公园设筵招饮。灯景极热闹。

十六 十六日 晴

到景丰处午饭。访协民，同访迪庵，一谈。写交吉林官银号分期十年交付两万元欠款字据。

十七 十七日 晴

约伯才、诵卿在致美斋午饭。写寿对两付。下午，凤韶与吴君鸿恩在端记约吃饭。

十八 十八日 晴 有风

下午，搭车赴津，为壬三太夫人祝寿。

十九 十九日 晴

到英界陆宅，看视树村之二女，谈建昌煤矿事。

廿 廿日 晴

子明约吃聚乐成饭馆。

廿一 廿一日 晴

廿二 廿二日 晴

早起，搭车回京。午后，访公度，一谈。为王金鼎写致京兆尹信。

廿三 廿三日 晴

衡如约在电政俱乐部午饭。适郭桐伯省长来京，亦在座，晤谈吉事。下晚，敬宜、景丰约同在兴盛饭馆吃饭。饭后，到城南游艺园看烟火。树村复信到，言维持殖边银行同人事。

廿四 廿四日 晴

访侗伯，询树村近事。又访公度，一谈。写复搢之信。为修县志事，商榷一切也。为筮谦写致高谦甫信。下晚，云生约吃兴升馆。

廿五 廿五日 晴

下晚，汪健吾约吃同兴堂。许典生又约吃浣花春。

廿六 廿六日 晴

访紫垣，一谈。谒珍午先生，赴津未之晤也。访协民，取矿照。下晚，子如约在交通部博物馆吃饭。晤隼人，畅谈，并与侗伯论树村事。

廿七 廿七日 晴

裴尧田旅长通电话，言昨自长春来京。当即走访，畅叙四年来各事，并询树督近状。王朴初约吃同兴堂。到参议院报到。下晚，约尧田、紫封、慕韩吃浣花春。饭后，游新世界。归来。永芳明日赴长春就殖边银行副行长事，嘱以谨慎从事，痛改前非云云。

廿八 廿八日 晴

写致孟督军信，为裁兵计划也。为冠三致书燮甫，请其培植。并致冠三信。复介如厅长信。访宇民、子明，一谈。晤鹤年、伯才、浣亭。下晚，郭绍武约吃撷英番菜馆。又到翼青宅，为消寒会之局，请次帅主席。回寓已十二时矣。

三月一 廿九日 晴

早十时，到众议院。参众两院议员开会。访佑丞，吃午饭。晤高荇臣，谈曲阳煤矿事。下晚，秦良臣约在同兴堂吃饭。饭后，同尧田访赞臣司令。

二 二月初一日 晴

写致介如信，令外甥前往山东投递。写致沈冕士信，为陈瀛说项也。下晚，萧同年印丙炎，约在江西馆吃饭。

三 初二日 晴

写致赤文信。并复徐姚周选亭信。下晚，慕韩、紫封约吃瑞记。郭逋仙约吃福兴居。

四 初三日 晴

写文田小册页。宝乐庵约在撷英吃番菜。下晚，公度约吃宙源楼。馨山自津来，通电话。

五 初四日 阴

王化普约到泰丰楼午饭。馨山同座。饭后，馨山来谈。下晚，宁夔扬约吃东安饭店。

六 初五日 晴

写册页。上午，贞午、隼人约在瑞记吃饭。写复二弟信。致荇臣信，附致翰章信。为长房租事。下晚，约同宇民、文田、翰翔到兴盛馆吃饭。

七 初六日 阴

写册页。王志襄京兆尹约到东安饭店吃番菜。接树村督军复信。张广印报告一二月收房租数目，计吉洋八百元，合京现洋四百元。庆善儿自美来信。午后，雨。下晚，凤韶约吃瑞记。

八 初七日 微阴

公度来拜，请为伊女公子作媒也。张阁臣来访，谈江省事。午后一时，到太平湖俱乐部茶话会，周年纪念。揖唐演说段总统再造共和之后，招集参议院，立选举法，参众两院乃克成立，而总统选出，安福俱乐部之有造于国家也如此重大云云。龚仙洲、徐又铮相继演说。毕，到花园内照像。到马绍眉处，行吊。下晚，陈郁臣假靳总长宅设

筵相约，并同人为汉亭、文六祝寿。大雪一夜，天气颇冷。

九 初八日 雪止天晴

接写忱信，言吉留住桐伯事。致桐伯信。写为张阁臣致树督信。又为彭锡瓚致树督信。信烦而无信用。友人之求，不得已也。熙人来访。下晚，恨吾约吃饭。

十 初九日 晴

高润之来访。树青约吃午饭。饭后，同公度到段总理处贺寿。接永芳来信、锡九来信。

十一 初十日 晴

到型叔宅，为其侄作媒。同康侯押放定礼。到公度处道喜，并吃午饭。饭后，复回型叔处，放定礼成。到汪健吾处，为其太夫人祝寿。下晚，约型叔吃泰丰楼。

十二 十一日 晴

十三 十二日 晴

佑丞约同少观到浣花春午饭。下午，带四儿游东安市场。

十四 十三日 晴

午后一时，开会。下晚，屈文六约吃饭。饭后，同子贞游东安市场。写屏对。到协民处，为其太夫人寿。

十五 十四日 晴

写屏对。写致树督信，贺寿。下晚，骏良、祝华约吃饭。啸鹿在心航处设筵，作消寒会，并为彝预作生日。晤李介如。

十六 十五日 晴

景新、亚衡公局约吃明湖春午饭。同心航到澄华园洗澡。仲逸约吃桃李园。子贞又约到心航处，王鹿泉约吃饭也。带同繁智侄孙见子贞师长。

十七 十六日 晴

令繁智随子贞师长赴济南军营练习。令杨林回永清家内看视。诵卿、圃孙来访。午后，到药房。珠农、敬宜来谈。下晚，朱一擎约吃饭。宇民又约吃兴盛馆。又到东安市场。

十八 十七日 晴

走谒周朴帅，不值。顺道游护国寺。访伯渊，不值。侠黎留吃午饭。黍夷来谈。午后，大风。复季云信，言养鱼、种葡萄事。心余力绌，勉力为之可也。致续赞臣信，嘱其配樟脑酒事。光枚生约在济南春晚饭。饭后，同敬宜、礼堂游东安市场。

十九 十八日 晴

午饭后，访敬宜，晤侗伯。到土细处，行吊也。到大观楼。子固、季云来谈。下晚，到少沧处吃饭。

廿 十九日 晴

子固约同佑丞，到浣花春午饭。饭后，到聂献廷处行吊。又到田子琮处贺喜。又到土细处送三。下午，早寝。

廿一 廿日 晴

树丞、翰翔、浣亭来谈，留吃午饭。饭后，访紫垣，还旧三百元美金。下晚，到车站接内人，儿媳、孙子均到。公度约吃饭。三弟奉初亦来，寓王宅。

廿二 廿一日 晴

彝生日，到家吃面。甚念先母生我之劬劳，而增痛也。下晚，訾凌霄约吃泰丰楼。又到心航宅，远伯设筵，作消寒会也。

廿三 廿二日 晴

宇民、翰翔来，留吃午饭。作书对联。到药房。付郎坊学款九十五元。写匾对。下晚，公度在同兴堂备酒食，为彝作生日。宇民亦约吃饭。

廿四 廿三日 晴

听夷同年以彝生日送来伊令媛所画古意《美人》屏四幅为祝。写屏对、大字匾。顾巨六为其子完婚，写送喜对为贺。下晚，树青约同子固吃泰丰楼。

廿五 廿四日 晴

写对联、中堂。下晚，同子固在鸿记便饭。写致仙洲总长一信，为二弟谋盐务差也。

廿六 廿五日 阴

写屏对。午后，宇民来谈。下晚，金佑之约到致美斋吃饭。

廿七 廿六日 阴 小雪

八时，谒见大总统，言孟督军祠宇落成，请书匾额、楹联一事。承嘱与理斋议定联语再书，并问近作何事，以每早书屏对为对。言及南北大局，以镇静态度处之，如教读先生者然，看视小学生淘气一番，终必听我约束，照常读书也。此喻颇为中肯。又言孟督军裁撤军队事。兴辞而退。在候见处见李恕谷遗像，远道图，武装，戴风帽，佩剑，坐石上，旁有如妇人女子，美风仪，执马鞭，佩短剑。一人侍立，名为王